



Broj: 04-40-1-196/25
Sarajevo, 16.07.2025. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 15.07.2025. do 08:30 sati 16.07.2025. godine

U izvještajnom periodu Kantonalni operativni centar civilne zaštite zaprimio je jednu informaciju o pronalasku NUS-a i to dana, 15.07.2025. godine u 08:52 sata od građanina, da je u ul. Milinkladska br. 165., Općina Novi Grad, pronađena jedna ručna bomba.

O primljenoj informaciji obaviješteni su pripadnici Tima za UES Federalne uprave civilne zaštite, koji će navedeno neeksplozirano ubojno sredstvo ukloniti u narednom periodu.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su šest intervencija od čega pet obezbjeđivanja tankovanja goriva na Međunarodnom aerodromu „Sarajevo“ i jednu na gašenju zapaljenog otpada u kontejneru.

Općinski operativni centar civilne zaštite Stari Grad: Općinski štab civilne zaštite Stari Grad organizovao je 24-satno osmatranje terena na ugroženim područjima od klizišta, lokalitetima Curine njive, Knjeginjac i Bistrički potok u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije, ukoliko to situacija bude zahtijevala) i infrastrukture. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana 15.07.2025. godine, utvrdili su slijedeće stanje:

1. Curine njive (Opština Istočni Stari Grad i Općina Stari Grad Sarajevo – Bostarići):

Obilaskom lokaliteta klizišta, vizuelnim pregledom utvrđeno je da iz tri pravca podnožja deponije Knjeginjac izviru manji potoci s pojačanim protokom. Svi tokovi ulijevaju se u drenažni kanal. Na lokalitetu igrališta uočeno je zadržavanje vode u formi manjih lokvi. U donjem dijelu klizišta, neposredno ispod igrališta, tlo je vlažno i blatnjavo, uz prisutnu blagu eroziju i osipanje zemljine mase. Iznad prvih objekata ispod igrališta, gdje se nalazi kanal za odvodnju oborinskih voda,

trenutno nema vidljivog prisustva vode. Na dijelu iznad rasadnika zabilježen je pojačan protok vode iz drenažnog kanala, što ukazuje na aktivne površinske i podzemne tokove u toj zoni.

U ulici Ablakovina čikma na br. 21 prijavljeno je da se iza stambenog objekta pojavila voda. Također, do sada je prijavljeno pucanje tri kuće i to dvije u ulici Ablakovina čikma na br. 16 i 28 jedne kuće u ulici Ablakovina na broju 8.

Ocjena rizika: Lokalitet je ocijenjen kao uslovno kritičan zbog geoloških procesa, te zahtijeva kontinuiran nadzor.

Knjeginjac (Opština Istočni Stari Grad):

Nije zabilježeno novo odlaganje građevinskog materijala. Uočeno je slijeganje postojećeg deponijskog materijala uz početne znakove erozije, što ukazuje na postepenu konsolidaciju tla i uticaj atmosferskih faktora. U donjem dijelu deponije i dalje je vidljivo

prisustvo vode, što upućuje na nedovoljnu kontrolu površinskih i podzemnih voda.

Nadzor: Na deponiji Knjeginjac nisu zabilježene značajne promjene u proteklom periodu.

Prilikom obilaska lokaliteta deponije Knjeginjac, izvršen je vizuelni pregled trenutnog stanja terena. U rigolu iznad ceste trenutno nije vidljivo prisustvo vode, niti je primijećeno dovlačenje zemljanog ili drugog materijala. Međutim, u donjem dijelu deponije i dalje je prisutna veća količina vode, uz konstantnu vlagu, koja se ne povlači čak ni nakon poboljšanja vremenskih uslova. Takođe, uočen je nastavak blage erozije same deponije. Napominjemo da je donji dio terena konstantno zasićen vodom, što upućuje na potencijalno aktivne podzemne izvore ili neadekvatno oticanje površinskih voda. Zatečeno stanje zahtijeva nastavak nadzora, kao i razmatranje tehničkih mjera za sanaciju i stabilizaciju terena. Preporučuje se redovno praćenje stanja tla i drenaže, uz razmatranje dodatnih mjera za stabilizaciju donjih zona deponije.

Ocjena rizika: Slijeganje deponijskog materijala i erozija uslijed atmosferskih uticaja.

2. Bistrički potok (Općina Stari Grad Sarajevo – Boguševac i Opština Istočni Stari Grad):

Trenutno Korito potoka je i dalje djelimično zatrpano zemljano-kamenim materijalom i obrušenim stablima.

Nisu evidentirane nove degradacije, niti su poduzete aktivnosti na uklanjanju postojećih prepreka.

Obilaskom lokaliteta Bistričkog potoka utvrđeno je da nema značajnijih promjena u odnosu na prethodna zapažanja. Iz pravca Trebevića nije zabilježen dotok vode, uprkos trenutnim padavinama. S druge strane, kod mosta na Boguševcu, gdje se nalazi kaptaža iz koje se višak vode izliva u korito, zabilježeno je prisustvo manje količine vode. Donji dio potoka je prohodan i bez vidljivih prepreka. Međutim, u gornjem dijelu, iznad mosta na Boguševcu, i dalje su prisutna oborena stabla i stijene koje su se odronile iz pravca objekta u izgradnji "Trebević Hills". Navedeni materijal se već duži period nalazi u koritu i predstavlja potencijalnu prepreku protoku vode.

Ocjena rizika: Povećana opasnost od plavljenja u slučaju obilnih padavina, akumulacija nanosa uzvodno od začepljenja, u slučaju obilnih padavina mogućnost erozije obale uslijed promijenjenog toka vode.

3. Evakuacija stanovništva sa ugroženih područja:

Na osnovu Naredbi Štaba civilne zaštite Kantona Sarajevo (br. 08-40-1128-2/24 od 01.11.2024. godine i br. 08-40-1128-2.1/24 od 20.11.2024. godine), kao i Planova evakuacije Općine Stari Grad Sarajevo, Služba civilne zaštite redovno obilazi naselja Bostarići, Ablakovina i Ablakovina čikma. U toku su procjene rizika i pripreme za eventualno izmještanje stanovništva u sigurnije objekte, koje će osigurati Općina Stari Grad Sarajevo.

Iz ostalih općinskih operativnih centara civilne zaštite s područja Kantona Sarajevo, kao i od drugih davalaca informacija nisu dobivene relevantne informacije koje se odnose na prirodne nesreće ili druge pojave koje ugrožavaju živote i zdravlje ljude, kao i materijalna i kulturna dobra.

JU Zavod za javno zdravstvo Kantona Sarajevo: U dvadesetosmoj kalendarskoj sedmici (periodu od 07.07. do 13.07.2025. godine) Zavodu za javno zdravstvo Kantona Sarajevo dostavljeno je ukupno 59 prijava zaraznih bolesti obaveznih prijavljivanju, od toga: šest angina streptococcica, dva brucellosis, 16 enterocolitis acuta, četiri herpes zoster, devet infectio nosocomialis, dva leptospirosis, tri mononucleosis, dva morbilli, dva scabies, pet scarlatina, dva salmonellosis, dva tuberculossis activa i četiri toxiinfectio alimentaris.

Broj oboljelih u Kantonu Sarajevo od Leptospiroze na dan 15.07.2025 godine prikazan je u sljedećoj tabeli:

Ukupan broj oboljelih od Leptospiroze u Kantonu Sarajevo - Stanje na dan: 15.07.2025. godine	Broj prijavljenih slučajeva Leptospiroza po općinama							
	Novi Grad	Centar	Ilidža	Stari Grad	Novo Sarajevo	Ilijaš	Vogošća	Hadžići
112	76	11	9	6	7	1	1	1

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 19°C, vlažnost zraka 78%, barometarski pritisak 943,1 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Zbog održavanja manifestacije "Ilijaški dani 2025", u vremenu od 10:00 do 24:00 sata obustavljen je saobraćaj u ulici 126. Ilijaške brigade.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a